



漢藝文志考證卷八

漢儀王應麟伯厚甫

屈原賦二十五篇

離騷經九歌天問九章遠遊卜居漁父王逸曰武

帝使淮南王安作離騷經章句安傳云為離騷傳

劉向分楚辭為十六卷屈原八卷九辨亦謂屈原作

隋志原著離騷八篇班固叙贊二篇太史公曰作

辭以諷諫連類以爭義離騷有之地理志始楚賢

臣屈原被讒放流作離騷諸賦以自傷悼後有宋

玉唐勒之屬慕而述之漢興吳王濞招致娛游子
游枚乘鄒陽嚴夫子之徒興於文景之際淮南王
安招賓客著書而吳有嚴助朱買臣貴顯漢朝文
辭並發故世傳楚辭朱買臣召見言楚辭宣帝
誦讀七略曰宣帝詔徵被公見誦楚辭九江被公朝見
詩國風及秦不及楚已而屈原離騷出焉衍風雅
於詩亡之後發于情主乎忠直殆先王之遺澤也
謂之文章之祖宜矣艾軒林氏曰江漢在楚地詩
之萌芽自楚人發之詩一變為楚辭屈原為之唱
是文章鼓吹多出於楚也

宋玉賦十六篇

隋志宋玉集三卷王逸云屈原弟子楚辭九辯招
魂文選風賦高唐神女登徒子好色賦古文苑大
言小言鈞笛諷賦朱文公謂辭有餘而理不足
莊夫子賦二十四篇

楚辭哀時命

賈誼賦七篇

朱文公曰賈太傅以卓然命世英傑之材俯就騷
律所出三篇皆非一時諸人所及惜誓弔屈古文
苑有旱雲虞賦隋志梁有賈誼集四卷

枚乘賦九篇

古文苑有梁王第園賦文選注枚乘集有臨霸池

遠訣賦隋志乘集二卷文選有

司馬相如賦二十九篇

朱文公曰相如之文能侈而不能約能諂而不能

諒其上林子虛之作既以誇麗而不得入於楚辭

大人之於遠遊其漁獵又泰甚然亦終歸於諛也

特長門哀二世賦二篇為有諷諫之意艾軒林氏

曰相如賦之聖者隋志集一卷

淮南王賦八十二篇

隋志集一卷卷二劉向別錄淮南王有薰籠賦

淮南王群臣賦四十四篇

楚辭招隱士淮南小山之所作也淮南王安招致

賓客客有八公之徒分造詞賦以類相從或稱大

山或稱小山如詩之有大小雅

孔臧賦二十篇

孔叢子云臧嘗為賦二十四篇四篇別不在集似

其幼時之作也

吾丘壽王賦十五篇

隋志梁有漢光祿大夫虞丘壽王集二卷藝文類

聚有驃騎論功論而賦不傳

上所自造賦二篇

外戚傳有傷悼李夫人賦文選有秋風辭溝洫志

有瓠子之歌二章隋志武帝集一卷唐志二卷

劉向賦三十三篇

楚辭九歎古文苑請雨華山賦文選注雅琴賦隋

志向集六卷唐志五卷今所存十八篇別錄曰向

有芳松枕賦

王褒賦十六篇

本傳作甘泉洞簫頌楚辭有九懷文選注有書

頌隋唐志褒集五卷

枚臯賦百二十篇

本傳凡可讀者百二十篇其尤嫚戲不可讀者尚

數十篇

司馬遷賦八篇

藝文類聚有悲士不遇賦隋志遷集一卷唐志一卷

揚雄賦十二篇

本傳賦莫深於離騷反而廣之又旁惜誦以下至

牢辭莫麗於相如作四賦甘泉河東揚志云入揚雄

八篇蓋七略所略止四賦也古文苑有太玄蜀都

逐貧賦文選注有覈靈賦隋志卷五

孫卿賦十篇

荀子賦篇禮知雲蠶箴又有侏詩隋志荀子集一卷

東曉令

地理志縣在樂浪郡

雒陽錡華

左傳分康叔云云殷民七族錡氏

別初陽賦

庾信哀江南賦初陽亭有離別之賦蓋亭名也

華龍

蕭望之傳華龍宣帝時與張子蟠等待詔志云張子喬

雜賦

成相雜辭十一篇

荀子成相篇注蓋亦賦之派也朱文公曰凡三章

雜陳古今治亂興亡之效託聲詩以諷時君若將

以為工師之誦旅賁之規者其尊主愛民之意亦

深切矣相者助也舉重勸力之歌史所謂五殺大

夫死而春者不相杵是也成相助淮南王亦有成

相篇見藝文類聚

雜禽獸六畜昆蟲賦十八篇

劉向別錄有行過江上弋鴈賦行弋賦弋雌得雄賦

隱書十八篇

文心雕龍隱者隱也遜辭以隱意諷譬以指事也昔還社求拯於楚師喻智井而稱麥麴叔儀乞糧於魯人歌佩玉而呼庚癸伍舉諫荆王以大鳥齊客譏薛公以海魚莊姬託辭於龍尾臧文謬書於羊裘隱語之用被于紀傳大者興治濟身其次弼違曉惑楚莊齊威性好隱語至東方曼倩尤巧辭述晉語有秦客廋辭於朝注廋隱也東方朔新序

齊宣王發隱書而讀之

歌詩

高祖歌詩二篇

大風歌亦名三侯之章文中子曰大風安不忘危其伯心之存乎鴻鵠歌朱文公以為卒章意象蕭索非復三侯比矣

泰一雜甘泉壽宮歌詩十四篇宗廟歌詩五篇

史記樂書今上即位作十九章今侍中李延年次序其聲拜為協律都尉通一經之士不能獨知其辭皆集會五經家相與共講習讀之乃能通知其

意多爾雅之文禮樂志多舉司馬相如等數十人
造為詩賦略論律呂以合八音之調作十九章之
歌郊祀志亳人謬忌奏祠泰一方游水發根言上
郡有巫病而鬼下之上召置祠之甘泉置壽宮神
君神君最貴者曰太一其佐曰太禁司命之屬
黃門倡車忠等歌詩

周禮旄人注散樂野人為樂之善者若今黃門倡
矣樂府集有黃門倡歌一首

凡詩賦百六家

唐氏曰武帝好文詩賦特盛然五禮凡百六家千

史記孫武傳闔廬曰子孫武二篇吾盡觀之矣正

義七錄云孫子兵法三卷十三篇為上卷又有中

下二卷杜牧注孫子序曰武所著書凡數十萬言

魏武削其繁剩筆其精功凡十三篇因注解之始

至用隋志梁有孫子八陳圖一卷周禮車僕注孫

之陳鄭氏曰圖經也書也七略收書不收圖唯任

宏校兵書四種有書五十三家有圖四十三卷武

經總要曰今之祕府所存孫府書惟十三篇無圖

其所言皆權謀之事如為精密戰國如二孫吳起

輩號善用兵者而著畫皆有圖漢名臣如韓信子

房刪定亦著其法周公亦與司馬教坐作進退之
度蓋陣法者所以訓齊士衆使其上下如一前後
左右進退周旋如身之運臂臂之使指無不如意歐
陽氏曰孫武嘗以其書干吳王闔廬闔廬用之西
破楚北服齊晉而霸諸侯夫使武自用其書止於
強伯及曹公用之然亦終不能滅吳蜀豈武之術
盡於此乎抑用之不極其能也蘇氏曰武用兵不
能必克與書所言遠矣吳起與武一體之人也皆
善書言兵世稱之曰然吳然而起之言兵也輕法
制草略無所統紀不若武之書詞約而義盡然起

楚用於魯破齊及二國又能制秦入楚楚復他國
武之所為乃如是書之不足信固矣

齊孫子八十九篇 圖四卷

通典引孫臏曰用騎有十利呂氏春秋孫臏貴勢
臏臏為遷傳孫子兵法脩列

吳起四十八篇

隋志吳起兵法一卷今本三卷六篇 圖五所闕

亡多矣唐氏曰司馬法在二藝兵法始孫吳皆後
世變詐之兵非古之兵書也雖陰陽神農黃帝之

號皆託也

范蠡二篇

廿延壽傳投石拔距張晏注引范蠡兵法春秋正義賈逵以檣為發石一曰飛石引范蠡兵法作飛石之事以證之文選注引飛石重二十斤為機發行三百步東萊呂氏曰越語下篇所載范蠡之詞多與管子勢篇相出入

兒良一篇

呂氏春秋兒良責後亦見賈生過秦

省伊尹太公

刑法志凡兵所以存亡繼絕救亂除害也故伊呂

之將子孫有國與商周並蘇氏曰世之論伊尹太公多以陰謀奇計歸之其說乃與漢陳平魏賈詡無異夫陳平賈詡之事張子房荀文若之所不為也而謂伊尹太公為之乎石林葉氏曰墨翟以太公於文王為忤合而孫武謂之用間且以嘗為文武將兵故尚權詐者多並緣自見吾意六韜所傳雜出春秋戰國以來兵家漢魏間好事者始掇為書而名之故獨晚出且後世言兵及周之陰權皆宗太公以為本謀司馬遷亦嘗言之矣而不能是正遷真多愛而好奇者哉

高祖紀

蚩尤二篇

高帝紀祠黃帝祭蚩尤於沛庭注應劭曰蚩尤古天子好五兵瓚曰蚩尤度人之貪負者管子五行篇黃帝得蚩尤而明於天道則黃帝六相亦有蚩尤隋志梁有黃帝蚩尤兵法一卷

孫叙二篇

古今人表孫余即由余疑叙當作余李筌太白陰經云秦由余有陣圖

魏公子二十一篇圖十卷

史記公子無忌為魏上將軍率五國之兵破秦軍於河外走蒙驁乘勝逐秦軍至函谷關公子威震天下諸侯之客各進兵法公子皆名之故世俗稱魏公子兵法史記注引七略云圖七卷

項王一篇

史記本紀高祖與諸侯兵共擊楚軍與項羽決勝垓下淮陰侯將三十萬自當之孔將軍居左費將軍居右皇帝在後絳侯將軍在皇帝後項羽之卒可十萬淮陰先合不利却孔將軍費將軍縱楚兵不利淮陰侯復乘之大敗垓下東萊呂氏曰此

陣即馬隆所謂魯公不識者也陣者兵之末羽以
不仁失天下亦不在一戰利鈍之間然羽少學兵
法畧知其意即不肯學負其雄才高氣而無沉深
縝密之度其病卒見於此時是故鶩大而忽小者
君子懼焉

兵陰陽

太壹兵法一篇

隋唐志黃帝太一兵歷一卷武經總要太一者天
帝之神也其星在天一之南總十六神知風雨水
旱金革凶饑陰陽二局存諸秘式星文之次舍分

野之災祥貴于先知道為之備用軍行師主客勝
負蓋天人之際相參焉

黃帝十六篇 圖三卷

胡建傳上奏曰黃帝李法曰壁壘已定穿窬不繇
路是謂姦人姦人者殺顏師古注李者法官之號
其書為管子后土為李說苑云黃

封胡五篇

通典衛公兵法守城篇曰禽滑釐問墨翟守城之
具墨翟答以五六十事皆煩冗不便於用其後韋
孝寬守晉州羊侃守臺城皆約封胡子伎巧之術

古今人表封

風后十三篇 圖二卷

鄭康成云風后黃帝之三公也館閣書目風后握

機一卷晉馬隆略序卷首言本有三其一三百六

十字其一三百八十字呂望所增其一行間有公

孫弘等語或云武帝令霍光等習之於平樂館以

輔少主備天下之不虞今本載所增字亦有公孫

弘語 薛氏評定云握奇經別有續圖獨孤及風后

八陳圖記云得其遺制於黃帝書之外篇裂素而

圖之李靖問對云黃帝兵法世傳握奇文嚴從依

風后大旨為圖以擬方陣 隋志黃帝書九卷後

張衡傳注春秋內事曰黃帝師於風后風后善

伏羲氏之道故推演陰陽之事武經總要曰大接

造甲子推天地之數風后演遁甲究鬼神之奧

力牧十五篇

李筌太白陰經云風后演握奇圖復置虛實二壘

力牧亦創營圖抱朴子云黃帝精推步則訪山稽

力牧講占候則詢風后

鬼容區三篇

封禪書鬼史區號大鴻 古今人表注 素問鬼史區

曰積考太始天元冊文

地典六篇

後漢張衡傳師天老而友地典注帝王世紀黃帝以風后配上台天老配中台五聖配下台謂之三公其餘知天規紀論語地典力牧常先封胡孔甲等或以為師或以為將

師曠八篇

隋志師曠書三卷後漢蘇竟傳云猥以師曠雜事輕自眩惑注雜占之書也方術傳序師曠之書注今書七志有師曠六篇占灾異淮南子福言師

遺集又小說有師曠六篇

萋弘十五篇

淮南鴻烈曰萋弘周室之執數者也天地之氣日月之行風雨之變律曆之數無所不通史記天官書昔之傳天數者周室史佚萋弘封禪書萋弘以方事周靈王諸侯莫朝周周力少萋弘乃明鬼神事設射狸首狸首者諸侯之不來者依物怪欲以致諸侯諸侯不從而晉人執殺萋弘周人之言方怪者自萋弘

推刑德

尉繚子天官篇梁惠王問曰黃帝刑德可以百勝
有之乎對曰刑以伐之德以守之非所謂天官時
日陰陽向背也人事而已矣淮南子兵畧訓注刑
十二辰德十日也又天文訓云凡用太陰左前刑
右背德擊鈞陳之衝辰以戰必
勝以攻
必冠

兵技巧

管子胥十篇圖一卷

唐志伍子胥兵法一卷文選注引越絕書伍子胥
水戰兵法內經武經總要云伍子胥對闔閭以船
軍之教比陸軍之法

逢門射法二篇

莊子羿逢蒙不能睥睨荀子羿逢蒙者善服射淮
南子重以逢蒙門子之巧孟子逢蒙學射於羿龜
策傳羿名善射不如雄渠逢蒙注引七畧有逢蒙
射法後言姓呂氏春秋逢蒙始習於甘蠅王褒
傳云

子逢門

李將軍射法三篇

李廣傳世世受射

望遠連弩射法具十五篇

李廣以大黃射其裨將注孟康曰太公陷豎郤敵

以大黃參連弩愚按周官五射參連其一也李陵發連弩射單于注服虔曰三十弩共一弦張晏口三十秦共一臂劉氏謂如今合蟬或併兩弩共一弦之類秦始皇自以連弩候射大魚地理志南郡有發弩官武經總要曰弩者中國之勁兵四夷所畏服也古者有黃連百竹八檣雙弓之號絞車壁張馬弩之差今有參弓合蟬手射小黃皆其遺法若乃射堅及遠爭險守隘怒聲勁勢逼衝制突者非弩不克然張遲難以應卒臨敵不過三發四發而短兵已接故或者以為戰不便於弩然則非弩

不便於戰為將者不善於用弩也

蒲苴子弋法四篇

列子詹何曰聞先大夫之言蒲且子之弋也弋善者弱弓纖繳乘風振之連雙鷁於青雲之際用心專動手均也臣因其事放而學釣五年始盡其道

張氏曰蒲且子連鳥於百之上

劍道三十八篇

史記自序司馬氏在趙者以傳劍論顯又序孫吳傳云非信廉仁勇不能傳兵論劍與道同符日者傳褚先生曰齊張仲山仲山佳以善擊刺學用劍立

名天下東方朔十五學

手搏六篇

廿延壽試弁為期門注弁哀帝紀時覽下射武戲

注手搏為十刑法志戰國稍增華武之禮以為我

樂用相夸視而秦更名角抵武帝紀元封三年春

作角抵戲

楚鞠二十五篇

劉向別錄曰蹴鞠者傳言黃帝所作或曰起戰國

時記黃帝蹴鞠兵執也所以練武士知有才也今

軍無事得使蹴鞠有書二十五篇史記霍去病穿

域蹋鞠正義徐廣云穿地為營域按楚鞠書有域

說篇即今之打球也黃帝所作戰國時程武上知

其材力若講武師也也鞠以皮為之實以毛楚蹋

鞠亦特有法焉傳鞠也鞠素

黃石公記不著錄

後漢光武詔報感宮馬武曰黃石公記曰柔能制

剛弱能制強此即張良於下邳北所隋志黃石公

三畧三卷梁又有黃石公記三卷館閣書目黃石

公素書一卷凡六童恐依託

省墨子

史記墨翟善守禦。墨子曰：公輸般為雲梯之械，成將以攻宋。墨子聞之，至于郢，見公輸般。墨子解帶為城，以牒為械。公輸般九設攻城之機變，墨子九距之。公輸般之攻，械盡，墨子之守，固。有餘。列子云：墨翟之飛鳶，韓非子云：墨子為木鳶，三年而成。蜚一日而敗，曰：不如為車，輓者巧也。惠子聞之曰：墨子大巧，巧為輓，拙為鳶。詩正義引墨子備衝篇。後漢書注引墨子備突篇。

張良韓信序次兵法

高帝紀韓信由軍法。李靖曰：張良所學六韜三略。

是也。韓信所學，穰苴、孫武是也。然大體不出三四種而已。

任宏論次兵書為四種

淮海秦氏曰：此四術者，以道用之，則為四勝，不以道用之，則為四敗。事同而功異，不可不察也。何以知其然耶？昔孫臏伏萬弩於馬陵之下，魏軍至而伏發，龐涓死焉。下恢伏車騎材官三十萬於馬邑之旁，匈奴覺之而去，恢以自殺。此則用權謀之異也。馬服君救闕與，既遣秦間卷甲而趨之，二日一夜遂破秦軍。曹公追劉先主，一日一夜行三百里。

敗於烏林此則用形勢之異也西伯將獵卜之曰
獲霸王之輔果得太公望而克商漢武卜諸將貳
師最吉因以為將卒降匈奴此則用陰陽之異也
申公巫臣教吳以車戰吳是以始通上國房琯用
車以抗祿山賊授芻而火之王師奔潰此則用技
巧之異也豈非以道用之則為四勝不以道用之
則為四敗乎雖然所謂道者何也治心養氣而已
矣

漢藝文志攷證卷八

漢藝文志攷證卷第九

浚儀王應麟伯厚甫

天文

常從日月星氣二十一卷 老子師之

說苑常棣有疾老子往問焉

泰階六符一卷

東方朔傳願陳泰階六符以觀天變不可不省是
日因奏泰階之事注應劭曰黃帝泰階六符經

漢日旁氣行事占驗三卷

功臣表成帝時光祿大夫滑堪日旁占驗曰鄧弱

以長沙將兵侯天文志云正朔所候決於日旁日旁雲氣人主象皆如其形以占

日旁氣圖一卷

隋志夏氏日旁氣卷許氏撰魏氏

夏氏日月傳不著錄

天文志夏氏日月傳曰日月食盡王位也不盡臣位也

漢日食月暈雜變行事占驗十二卷

五行志凡漢著紀十二世二百一十二年日食五十三朔十四晦三十六先晦一日三劉向傳漢興訖竟寧孝景帝尤數率三歲一月而一食今連三

年比食自建始以來二十歲間而八食率二歲六月而一發古今罕有天文志高帝七年月暈圍也畢七重占曰畢昴間天街也街北胡也街南中國也昴為匈奴參為趙畢為邊兵宋祖冲之曰漢載四百食率在晦

海中星占驗十二卷

後漢天文志注引海中占隋志有海中星占星圖海中占各一卷即張衡所謂海人之占也唐天文志開元十二年詔太史交州測景以八月自海中南望老人星殊高老人星下衆星粲然其明大者

甚衆圖所不載莫辨其名

海中二十八宿國分二十八卷

淮南子天文訓星部地名角亢鄭氏房心宋尾箕

燕斗牽牛越須女吳虛危齊營室東壁衛奎婁魯

胃昂畢魏觜嵩參趙東井與鬼秦柳七星張周翼

軫楚又有二十八宿臣分未詳呂氏曰十二次當

時所有之國分魏趙三卿又未為諸侯晉國猶在

國尚有數十春秋正義曰星紀在於

東北吳越實在東南魯衛東方諸侯遙屬戌亥之

次又三家分晉方始有趙而韓魏無分趙獨有之

漢書地理志分郡國以配諸次其地分或多或少

而聞之鶡首極多鶡火甚狹徒以相傳為說其源不可得

甘氏歲星經不著錄

周禮保章氏以十有二歲之相觀天下之妖祥注

歲星為陽右行於天大歲為陰左行於地十二歲

而小周其妖祥之占甘氏歲星經史記正義甘德

春秋分記曰歲星所在傳有明文考之

占八卷隋志梁有石氏甘氏天文占名八卷

紀述為詳謂歲星每歲而成一分積百

石氏星經不著錄

史記天官書索隱曰歲星在正月晨見東方之名

已下皆出石氏星經天文志兼載甘氏周禮疏月令正義引

石氏星經隋志石氏星經簿讀一卷少記正義石申作天文八卷

郎顛傳引石氏

經曰歲星出左有年出右無年

巫咸五星占 不著錄

隋志巫咸五星占一卷史記天官書昔之傳天數

者殷商巫咸晉陳卓摠甘石巫咸三家所著星圖

大凡二百八十三官一千四百六十四星以為定

紀乾象新書云天文錄并諸家占書所載石申甘

德巫咸三家星座共二百八十三座總一千四百

六十四星年代寢遠宿次舛訛驗天文則去極不

同曠星書則次舍靡定將司天監銅渾儀測驗周

天星次較定前書符契天道具列于左右申列舍

星二十八座共一百六十六星赤中宮星五十四

座共三百一十八星赤外官星二十八座共二百

七十一星赤甘德中官星五十九座共二百一星

黑外官星三十九座共二百九星黑巫咸中官星

九座共三十一星黃外官星二十座共九十五星

黃石申紫微垣星一十二座共五十四星赤甘德

紫微垣星二十座共一百一星黑巫咸紫微垣星

四座共一十八星黃

周髀不著錄

隋志天文始于周髀一卷按周髀云昔者周公問於商高曰晉天文志周髀受竊聞乎大夫善數請問古者包犧立周天曆度夫天不可階而升地不可尺寸而度請問數安從出商高曰數之法出於圓方圓出於方方出於矩矩出於九九八十一故折矩以為句廣三股脩四徑隅五既方之外半其一矩環而共盤得成三四五兩矩共長二十有五

是謂積矩故禹之所以治天下者此數之所生也

周公曰大哉言數請問用矩之道商高曰平矩以

正繩偃矩以望高覆矩以側深卧矩以知遠環矩

以為圓合矩以為方方屬地圓屬天天圓地方注

極之下高人所居六萬里是為形狀同歸而不殊途陰

曰天似蓋地注覆槃天天青黑地黃赤天數之為筮也青黑為表丹黃

為裏以象天地之位是故知地者智知天者聖智

出於句句出於矩夫矩之於數其裁制萬物唯所

為耳周公曰善哉榮方曰周髀者何陳子曰古時

天子治周此數望之從周故曰周髀者表也趙

三句一 云文乙 五 太

君卿序云渾天有靈憲之文蓋天有周髀之法信
都芳著四術周髀宗其序曰渾天覆觀以靈憲為
文蓋天仰觀以周髀為法

星傳 不著錄

天文志引星傳曰日者德也月者刑也又曰客星
守招搖蠻夷有亂又引月南入辛牛戒月入畢五
行志劉向以為星傳曰心大星天王也其前星太
孛後星昧子也

五星日月以紀吉凶之象

月常盈虧朏側匿之變七者右行列舍天下
變移所在皆見焉後魏天象志班史以日暈五星
之屬列天文志薄蝕彗孛之比入五行說七曜
也而分為二志故陸機云學者所疑也

歷譜

黃帝五家歷三十三卷

律歷志張壽王上書言黃帝調歷漢元年以
後課諸歷案漢元年不用調歷壽王及李信治黃
帝調歷課皆疏闕壽王歷乃大史官殷歷也壽王
猥曰安得五家歷後漢志黃帝造曆元起辛卯洪

範五紀論曰民間亦有黃帝諸曆不如史官記之
明也晉杜預云或用黃帝以來諸曆以推經傳
日皆不諧合

顓頊歷二十一卷 顓頊五星歷十四卷

後漢志顓頊造曆元用乙卯

漢興襲秦正朔以

六歷疏闕中

蔡邕論曰顓頊曆術曰天元正月己

巳朔旦立春俱以日月起於天廟營室五度唐志

大衍曆日度議洪範傳曰曆記始於顓頊上元太

始闕象攝提格之歲畢陬之月朔日己巳立春七

曜俱在營室五度宋志祖冲之曰案五紀論黃帝

歷有四法顓頊帝夏周並有二術詭異紛然歟

正顓頊帝曆元歲在乙卯而命曆序曰此術設元歲

在甲寅

夏商周魯歷十四卷

書正義云古時真歷連戰國及秦而亡漢存六歷

雖詳於五紀之論皆秦漢之際假託為之詩正義

云今世有周曆魯歷蓋漢初為之其交無遲速盈

縮考日食之法而年月往往參差又云劉向五紀

論載殷曆之法惟有氣朔而已後漢志夏用丙寅

殷用甲寅周用丁巳魯用庚子宋祖冲之曰夏歷

七曜西行特違衆法劉向以為後人所造殷歷日
法九百四十而乾鑿度云殷歷以八十一為日法
奉法書食有日朔者二十六以周歷考之失二十
五魯歷校之又失十三古術之作皆在漢初周宗
春秋正義釋例云今魯歷不與春秋相符殆來世
好事者為之非真也長歷稱凡經傳有七百七十
九日漢末宋仲子集七歷以考春秋魯歷得五百
二十九日失三百五十日唐大衍日度議曰甄曜
度及魯曆南方有孤無井鬼北方有建星無南斗
中氣議曰殷曆南至常在十月時則中氣後天也

周曆蝕朔差經或二日則合朔先天也合朔議曰
春秋日蝕有甲乙者三十四殷曆魯曆先一日者
十三後一日者三周曆先一日者二十二先二日
九其偽可知矣晁氏曰夏桀在位五十有二年湯
受天命放南巢實甲寅之歷也是為成湯之元不
踰年而改元革命異乎繼世之君也考靈曜命歷
危皆本於甲寅元後漢志中興以來圖讖漏泄其
考靈曜命曆序皆有甲寅元其
所志在四歲分庚申元後百漢延光二年曹誼施延
熹平四年馮光陳晁皆言歷元不正當用甲寅為
元議郎蔡邕議之曰歷法黃帝顓頊夏殷周魯凡

六家各自有元是所據則殷歷元也然則甲寅為
殷湯之元也審矣古諸儒生皆以為孔子用殷甲
寅歷漢劉洪於歷最善其表言曰甲寅歷於孔子
時效竊以春秋緯命歷推之可信洪言而公子譜
所謂商起庚戌終戊寅者非也帝王譜謂湯元年
壬寅一行歷謂成湯伐桀歲在壬戌皆非也程氏春秋

分記曰周歷惟閏法多差左氏所載曆以失閏為差

漢元殷周謀歷十七卷

史記三代世表余讀謀記黃帝以來各有年數稽
其歷譜謀終始五德之傳古文咸不同垂專十二

諸侯年表云讀春秋歷譜謀至周厲王

耿昌月行帛圖二百三十二卷耿昌月行度二卷

後漢曆志賈逵論曰案甘露二年大司農中丞耿
壽昌奏以圖儀度日月行考驗天運狀日月行至
牽牛東井日過度月行十五度至婁角日行一度
月行十三度赤道使然此前世所共知也

傳周五星行度三十九卷

春秋正義以古今歷書推步五星金水日行一度
土二百七十七日行星十二度火七百八十日行
星四百一十五度四者皆不得十二年而一終唯

木三百九十八日行星三十三度十二年而彊一
周舉其大數十二年而一終

逆又甘石並時自有差異漢初測候乃知五星皆有逆行

隋志古曆有五星並之

帝王諸侯世譜二十卷

溝洫志王橫引周譜云定王五年河徙劉杳曰桓
譚新論云太史公三代世表旁行邪上並效周譜
柳芳曰司馬遷因周譜明世家大戴禮有五帝德
帝繫篇隋志漢氏帝王譜三卷龜山楊氏跋春秋
公子血脉譜其傳本曰荀卿嘗仕於楚矣不用故
退死蘭陵而史不記其歲月以其時考之當在周

秦之間而是書秦譜乃下及乎項滅子嬰之際吾
知其非荀卿氏作明矣然自古帝王世系與夫列
國之君得姓受氏譜牒散亡而史傳無所考據於
春秋之學尤闕然也而是書旁穿曲貫枝分派別
較然如指諸掌非彈見洽聞者不能為也

日晷書三十四卷

司馬公日景圖云日行黃道每歲有差地中當隨
而轉移故周在洛邑漢在潁川陽城唐在汴州浚
儀

許商算術二十六卷

溝洫志博士許商治尚書善為算能度功用
九章算術 不著錄

周禮保氏九數鄭司農云方田粟米差分少廣商
功均輸方程贏不足旁要今有重差夕桀句股疏
曰方田以下皆依九章算術而言重差夕桀句股
此漢法增之後漢鄭玄傳通九章算術注周公所
作凡九篇方田粟米差分少廣均輸馬續傳善九章
算術注劉徽九章算術曰商功五並無重差夕桀
禮記正義重差分一也去旁要各為一
為漢之九數馬融千寶云今有旁要各為一
知所梅福傳齊桓之時有以九九見者顏師古曰

九九算術若今九章五曹之北卑魏劉徽九章算
序包犧氏始畫八卦作九九之術以合六爻之變
黃帝神而化之引而伸之建曆紀協律呂記稱隸
首作數其詳未之聞也周公制禮有九數九章是
矣漢北平侯張蒼大司農中丞耿壽昌皆以善算
命世蒼等因舊文遺殘各稱刪補故校其目與古
或異而所論多近語夏侯陽算經序算數起自伏
義而黃帝定三數為十等隸首因以著九章數術
紀遺云黃帝為法數有十等及其用也乃有三焉
一算者謂億兆京垓秭壤溝澗正載三等者謂上
中下也其下數者十變之萬言十萬曰億十億
曰兆十兆曰京也中數者萬言萬萬曰億

億萬億曰兆萬萬兆曰京也上數者數窮則變若

於大高祖紀張蒼定章程如淳曰章歷數之章術

程者權衡斗桶丈尺之法式廣韻云說文算長六

九章術漢許商杜忠曰

五紀論不著錄

律歷志劉向總六歷列是非作五紀論後漢曆志

五紀論日月循黃道南至牽牛北至東井率日月

行一度月行十三度十九分度之七也五紀論推

步行度當時比諸術為近然猶未稽於古

以定三統服色之制

劉歆作三統歷及譜三代各據一統天統子地統

丑人統寅春秋緯樂緯云夏以十三月為正息卦

受泰物之始其色尚黑以寅為朔殷以十二月為

正息卦受臨物之牙其色尚白以鷄鳴為朔周以

十一月為正息卦受復其色尚赤以夜半為朔三

正記云正朔三而改文質再而復朱文公曰天開

於子地闢於丑人生於寅故斗柄建此三辰之月

皆可以為歲首而三代迭用之

五行

堪輿金匱十四卷

周禮保章氏注堪輿雖有郡國所入度非古數也
占夢注今八會其遺象跡案堪輿大會有八小會
亦有八又堪輿天老曰假令正月陽建於寅陰建
在戌鄭荅張逸問案堪輿黃帝問天老事云四月
有癸亥十月丁巳為陰陽交會史記日者傳褚先
生云孝武時聚會占家問之某日可取婦乎堪輿
家曰不可後漢王景參紀衆家數術之書堪輿曰
相之屬適於事用者集為大衍玄基唐呂才曰按
堪輿經黃帝對天老始言五姓後魏殷紹以黃帝
四序經文擇要為四序堪輿以物雜注張屬堪輿

鍾律災應二十六卷

漢天引地極名孟康曰神名造圖宅書者

隋牛弘傳劉歆鍾律書云春宮秋律百卉必凋秋
宮春律萬物必榮夏宮冬律雨雹必降冬宮夏律
雷必發聲見風通

鍾律叢辰日苑二十二卷

日者傳叢辰家曰大凶

泰一二十九卷

日者傳太一家曰大吉後漢高彪傳天有太一五
將三門注太一式凡舉事皆欲發三門順五將東

萊呂氏曰古之醫者觀八風之虛實邪正以治病
因有大乙九宮之說其說具於鐵經
風后孤虛二十卷

龜策傳曰辰不全故有孤虛注六甲孤虛法甲子
旬中無戌亥戌亥為孤辰巳為虛甲戌旬中無申
酉申酉為孤寅卯為虛甲申旬中無午未午未為
孤子丑於虛甲午旬中無辰巳辰巳為孤戌亥為
虛甲辰旬中無寅卯寅卯為孤申酉為虛甲寅旬
中無子丑子丑為孤午未為虛隋志遼甲孤虛記
一卷伍子胥譏吳越春秋計碗曰孤虛謂六門地

戶也後漢方術傳注孤謂六甲之孤辰對孤為虛
趙彥為宗資陳孤虛之法從孤擊虛以計賊孟子天子
時謂時日支干五行王相孤虛之屬也正義云孤
虛之法以一畫為孤無畫為虛二畫為實以六
甲子日定東西南北四方然後占
其孤虛實而向背之即知吉凶矣
羨門式法二十卷

日者傳分策定卦旋式正碁周禮大史抱天時與
大師同車鄭司農云抱式以知天時唐六典三式
曰雷公太一六壬其局以楓木為天棗心為地刻
十二神下布十二辰月令正義按陰陽式法梁元
帝洞林序云羨門五將韓終六壬司馬相如傳注

門高人羨也

五音奇肱用兵二十三卷五音奇肱刑德二十一卷

淮南子兵畧訓明於星辰日月之運刑德奇賁之

數背鄉左右之便此戰之助也注奇賁之數奇祕

之數非常術史記倉公傳脈書上下經五色診奇

咳術咳與肱同抱朴子云黃帝審攻戰則納音之策傳

史龜曰是謂沈陽可以興兵利以伐善不利子商姓之有五音蓋已見於此

翼氏風角不著錄

翼奉傳注翼氏風角曰木落歸本水派歸末故木

利在亥水利在辰金剛火疆各歸其鄉故火刑於

午金刑于酉郎顛傳注風角謂候四方四隅之風

以占吉凶蔡邕傳注翼氏風角曰風者天之號令

所以譴告人君晉天文志京房著風角書有集星

章所載妖星皆見於月旁隋志翼奉風角要候十

一卷翼氏占風一卷京房風角要占三卷風角五

音占五卷郊祀志注翼氏風角五德東方甲

五行者五常之形氣也

中庸注木神則仁金神則義火神則禮土神則智

水神則信字文公曰知信仁張文饒曰五運六氣

天之五行也五音六律地之五行也納音人之五

行也

羞用五事

古文作敬用

其法亦起五德終始

史記曆書鄒衍明於五德之傳而散消息之分沈約曰五德更王有二家之說鄒衍以招勝立體劉向以相生為義

著龜

龜書五十二卷

隋志有龜經一卷晉掌卜大夫史蘇撰崇文總目

三卷而五十二卷之書亡矣史記龜策傳褚先生

所補亦其大畧也沈氏曰古之卜者有繇辭周禮

三兆其頌皆千有二百如鳳凰于飛和鳴銷鑿聞

于兩社為公室輔專之渝攘公之瑜一薰一蕕十

年尚猶有臭如魚窺尾衡派而方羊裔焉大國滅

之將亡闔門塞竇乃自後踰大橫庚余為天王

夏啓以光是也後漢張衡傳注龜經有棲鶴兆梁

后兆得壽房說文引太史卜書左傳晉趙鞅卜救

鄭過水適火服虔云兆南行適火卜法橫者為上

立者為木邪向經者為金背經者為火因兆而細

曲者為水

古文周書占曰蟬之羽飛集于戶

夏龜二十六卷

龜策傳塗山之兆從而夏啓世墨子夏后開使飛廉析金于山鑄鼎於昆吾使翁難乙灼白若之龜繇曰逢逢白雲一南一北一西一東九鼎既成遷于三國張衡靈憲恒城竊藥奔月將往枚筮之於有黃有黃占之曰吉翩翩歸妹獨將西行逢天晦其母驚母恐後且大昌此夏龜筮之見於書者

公曰龜三王

周易二十八卷

史記太宛傳天子發書易云神馬當從西北來志京房有周易占守林飛候四時候錯卦混流委化逆刺占災異占事焦贛費直有易林皆不著錄

焦贛易林十六卷卷有六林林六十有六觀漢記孝明帝永平四年少兩上為雲將下兩流戲王輔用體說卦之辭曰年封心戶天將下兩流戲王輔用體說卦

載筮辭大有之乾曰同復乎父敬如君所盡曰千

乘三去三去之餘獲其雄狐復曰南國蹙射其元

王中厥日其辭皆韻如焦林之類儀禮躡古用木

畫地記爻今用錢三少為重九也三多為交六也

兩多一少為單七也兩少一多為坼八也
周易隨曲射匿五十卷

隋志有易射覆二卷又一卷東方朔傳上嘗使諸
數家射覆朔曰贊曰臣嘗受易請射之廼別著布
卦而對贊曰逢占射覆注逢占
逆吉難信云逆刺也

莫善於著龜

今易作莫火乎著龜劉向云龜千歲而
而神以其長久故能辨吉凶

漢藝文志攷證卷第九

漢藝文志攷證卷第十

漢儀王應麟伯厚甫

雜占

黃帝長柳占夢十一卷

史記正義帝王世紀云黃帝夢天風吹天下之應
垢皆去又夢人執干鈞之弩驅羊萬群帝寤而歎
曰風為號令執攻者也垢去上后在也天下豈有
姓風名后者哉夫干鈞之弩異力者也驅羊數萬
群能牧民為善者也天下豈有姓力名牧者哉於
是依二占而求之得風后於海隅登以為相得力

攷於大澤進以為將黃帝因著占夢經十一卷
噫耳鳴雜占十六卷

隋志梁有噫書耳鳴書各一卷

請雨止雨二十六卷

董仲舒傳以春秋災異之變推陰陽所以錯行致
求雨閉諸陽縱諸陰其止雨反是行之一國未嘗

不得所欲隋志梁有董仲舒請禱圖三卷後漢與

服志注引仲舒止雨書

初學記引淮南子曰董仲舒請雨秋得桐木魚

秦壹雜子候歲二十二卷

天官書有候歲美惡漢之為天數者占歲則魏

隋志東方朔

種樹臧果相蠶十三卷

秦燒書所不去者醫藥卜筮種樹之書周禮馬質

注蠶書蠶為龍精月直大火則浴其種

衆占非一而夢為大

隋志有占夢書三卷京房撰志不著錄西山真氏

曰周官六夢之占獨所謂正夢者不緣感而得餘

雖所因不同大抵皆感也感者何中有動焉之謂

也其動也有真有妄夢亦隨之雖昔聖賢不能無

夢惟其私欲銷泯天理昭融兆朕所形亦莫非實

高宗之得說武王之克商皆是物也常人則不然
方寸之靈莫適為主欲動情勝擾擾萬端故厭勞
慕佚則徒步而夢輿馬矣惡餒思飫則霍食而夢
梁肉矣若是者皆妄也至於因夢而獲若主父在
榮之歌叔孫豎牛之兆似有其實矣而卒以基莫
大之禍夢其果可憑耶非夢之不可憑也感之妄
故夢亦妄也

入失常則託興

今左傳作人弃常則託興

形法

卷之三篇

隋志相傳以為夏禹所記二十三卷

劉歆所定書其南西北東及中山號

篇其文最多海內海外大荒三經南

篇并海內經一篇摠十八篇多者十

三簡其卷後或題建平元年四月丙

屬臣望校治侍中光祿勳臣龔侍中

祿大夫臣秀領主省序曰禹定高山

窮土驅禽獸命山川類草木別水土

周四方遠人跡之所希至及舟輿之

邪瑾

五藏

西北東

詩簡

成待詔

本車都尉

六川蓋與伯

四嶽佐之以

所罕到內別

五方之山外分八方之海紀其珍寶奇物異方之所生水土草木禽獸昆蟲麟鳳之屬止休祥之所隱及四海之外絕域之國殊類之六古文之著明者也孝武時東方朔言異鳥之名上宣時臣父向對貳負之臣皆以是書朝士由是多奇山海經者可以考休祥變性之物見遠國異人之謠俗臣望所校凡三十二篇今定為十八篇顏之推曰山海經禹益所記而有長沙零陵桂陽諸暨後人所屬非本文也通典以為恢怪不經疑夫子刪詩書後尚奇者所作或先有其書如詒誕之言必後人所

加也郭璞序曰東方生曉異方之名劉子政辨盜械之尸王頌訪兩面之客海民獲長臂之衣精驗潛效絕代懸符論衡謂董仲舒睹重常之鳥劉子政曉貳負之尸皆見山海經故能立二事之說今本十八卷劉歆定為十八篇多於志五篇固已不同尤衰定為先秦之書非禹及伯翳所作晁氏曰長沙零陵鴈門皆郡縣名又載禹鯀後人參益之辭氏曰左傳稱大禹鑄鼎象物以知神姦入山林者不逢不若山海所述不幾是也經言大川所出及舜所葬皆秦漢時郡縣又有成湯文王之事實

子之文其非先秦有夏遺書審矣劉歆直云伯益所記又分伯益伯翳以為二人皆未之詳考於太史公記漢西京書非後世之作也山海經要為有本於古秦漢增益之書太史公謂言九州山川尚書近之至山海經禹本紀所言怪物余不敢言也然哉殊較首皆為一異物飛走之類本依圖畫為之官宅地形二十卷

范氏曰攷古卜地之法周始居幽相其陰陽觀其派泉度其隰原擇地利以便人事而已其作新邑也卜澗水東灑水西又卜灑水之東則推其不能決者而今之龜其法益止於此彼風水向背附著之說聖人弗之詳焉雖然甲子作於大撓尚矣宣王揆日以田既吉戊又吉庚午則枝幹固有吉凶保章氏以星土辨九州之封域以觀妖祥則方隅固有休咎聖人弗之詳而未嘗廢其說

相人二十四卷

荀子非相曰古者有姑布子卿今之世梁有唐舉陶弘景相經序相者蓋性命之著乎形骨吉凶之表乎氣貌亦猶事先謀而後動心先動而後應表裏相感莫知所以然隋志相書四十六卷諛通相

經當時所重
見傳流俗

相六畜三十八卷

隋志有伯樂相馬經
 竈戚相牛經
 荀子論堅白同異云
 曾不如好相雞狗之可以為名也
 莊子徐无鬼見魏武侯告之相狗馬
 列子秦穆公謂伯樂曰
 子姓有可使求馬者乎
 曰有九方臯
 呂氏春秋古之善相馬者
 寒風是相口齒
 麻朝和頰
 子艾厲相
 自衛忌相鬣
 許鄒相腕
 投伐褐相胷
 脅管青相臄
 膀陳悲相股
 脚秦牙相前
 贊君相後
 凡此十人者
 皆天下之良工也
 又云齊有善相狗者
 其鄰假以

買取鼠之狗
 淮南子伯樂韓風
 秦牙莞青所相各異
 其知馬一也
 曰者傳褚先生曰
 黃直丈夫也
 陳君夫婦人也
 以相馬立名
 天下留長孺以相
 氣立名
 滎陽褚氏以相牛
 立名
 西河子與明相
 法近世有傳儀長孺
 長孺傳丁君都傳
 楊子阿臣援師事子阿受相馬
 骨法善相馬者
 東門京師銅馬法以謹依儀
 氏鞞中帛氏口齒謝氏
 唇鬻丁氏身中儀此數家
 骨相以為法
 洪氏曰今時相馬者
 問有之相牛者
 殆絕所謂謂雞狗
 者不復聞之矣

苟非其人道不虛行

司馬公原命曰
 天道精微非聖人莫能知
 今學者未能通八理之萬一
 而遽從事於天
 昔莊孟知有

王者興於微賤而不知孝宣乃欲求公孫氏禪以天下翼奉知漢有中衰阨會之象而不知王莽乃云洪水為灾西門君惠知劉秀當為天子而不知光武乃謀立國師公劉秀秀亦更名以應之皆無益於事是以聖人之教治人而不治天知人而不知天

宋有子韋

新序宋景公時熒惑在心子韋曰熒惑天罰也心宋分野也陰陽家宋司星子韋三篇

楚有甘公

天官書在齊甘公此云楚當言漢時甘公曰東井秦分先至必王楚必屬漢

漢有唐都

太史公學天官於唐都律歷志造太極圖方士唐都與焉都分天官書

漢之為天數者星則唐都

序數術為六種

張文饒曰象生於數數生於理故天地萬物之生皆祖於數聖人先知先覺因制之以示人以分天度量地理觀之天地皆有數況人物乎始自伏羲畫卦以用太極神農植穀以用元氣於是黃帝制

歷分天度也畫野分圻量地也其餘譙造算
大撓造甲子蒼頡制字岐伯論醫伶倫造律皆以
理數而示人者也

醫經

黃帝內經十八卷

王冰曰素問即其經之九卷也兼靈樞九卷迺其

數為經之九卷也而授學遺存懼非其人而時

有遺隱

爾林傳

九

九卷皇甫士安名為鍼經楊玄操云黃帝內經二

候帙谷九卷按隋志謂之九靈王冰名為靈樞素

問第七卷亡已又士安序甲乙經云亦有亡失隋

志載梁七錄云止存八卷而冰得舊藏之卷今竊

疑之天元紀大論五運行論六微旨論氣交變論

五常政論六元正紀論至真要論七篇與餘篇畧

不相通疑此七篇乃陰陽大論之文王氏取以補

所亡之卷又曰黃帝坐明堂之上臨觀八極考建

五常與岐伯上窮天紀下極地理遠取諸物近取

諸身更相問難於是當公之倫授業傳之而內經

作蒼周之興秦和述六氣之論越人得其一二演而述難經倉公傳其舊學仲景撰其遺論晉皇甫謐刺而為甲乙隋楊上之吾纂而為太素全元起始為訓解闕第七一通唐賀應中王冰得先師所藏之卷為注合八十一篇二十四卷按隋志始有素問之名晉皇甫謐已云素問論病精辨王叔和西晉人撰脉經云出素問鍼經漢張仲景傷寒論集云撰用素問是則素問之名起漢世也全元起曰素者本也問者黃帝問岐伯也按乾鑿度太素者質之始名或由此館閣書目黃帝鍼經九卷八十一

一篇與靈樞經同鍼經以九鍼十二原為首靈樞以精氣為首問有詳略程子曰素問之書必出於戰國之末夏竦銅人喻况針灸圖經序曰黃帝問岐伯盡書其言藏於金蘭之室洎雷公請問其道乃坐明堂以授之後世言明堂者以此皇甫謐曰素問九卷明堂原本經脉其義深奧不可容易覽也又有

扁鵲內經九卷

隋志黃帝八十一難經二卷崇文總目秦越人撰

秦越人乘黃帝內經精要非臆凡八十一難經館閣

書目脉經一卷題扁鵲撰凡十六篇史記倉公師

公乘陽慶傳黃帝扁鵲之脈書太史公曰扁鵲言
醫為方者宗王勃八十一難經序曰岐伯以授黃
帝黃帝歷九師以授伊尹伊尹以授湯湯歷六師
以授太公太公以授文王文王歷九師以授醫和
醫和歷六師以授秦越人秦越人始定立章句歷
九師以授華佗華佗歷六師以授黃公黃公以授
曹元

石
經素問岐伯曰鑿石以艾治其外說苑扁鵲先
世軒之電八成之湯以鍼礪石取二陽五輸子

容擣藥子明吹耳陽儀反神子越扶形子越矯摩
太子遂得復生王僧孺曰古以石為針說文砭以
石刺病也東山經高氏之山多針石郭璞云可以
為砭針春秋傳美疾不如惡石服虔云石砭石也
季世無復佳石故以鐵代之

經方

泰始黃帝扁鵲俞拊方二十三卷 應劭曰黃帝時
黃帝八十一難序云秦越人與軒轅時扁鵲相類
仍號之為扁鵲扁鵲傳上古之時醫有俞拊治病
不以湯液醴灑鑿石橋引案枕毒熨一撥見病之

十卷并圖合五十四篇志寧曰世謂神農氏嘗藥以拯含氣而黃帝以前文字不傳以識相付至祠雷乃載篇冊然所載郡縣多是漢時疑張仲景華佗所記國朝開寶中盧多遜重定增百三十有三種嘉祐中掌禹錫補注附以新補八十有二種新定十有七種合一千七百有六種分二十有一卷新舊混并經之本文遂晦周禮疾醫注五藥其治合之齊則存乎神農子儀之術疏案劉向云扁鵲使子儀脉神又中經簿云子義本草經一卷儀與義人一也子義亦周末時人六典注凡藥一百五

本草經一百八十二名醫別錄一百十四新修新附
一百九十一有名無用帝王世紀黃帝使岐伯嘗
味草未定本草經張仲景金匱云神農能嘗百藥
造醫方以療衆疾

本草石之寒温

此論經方之語而無本草之名

房中

容成陰道二十六卷

後漢方術傳冷壽光行容成公御婦人法列仙傳容成公自稱黃帝師見於周穆王能善補導之事取精於玄牝其要谷神不死髮白復黑齒落復生神仙傳甘始依容成玄素之法更演益之為十卷

三五
卷
七

神僊

宓戲雜子道二十篇

帝王世紀宓戲畫八卦以通神明之德類萬物之情所以六氣六腑五臟五行陰陽水火升降得以有象百病之理得以類推炎黃因斯乃嘗味百藥而制九鍼莊子曰伏戲得之以襲氣母

黃帝雜子步引十二卷

列子天瑞篇引黃帝書曰谷神不死是謂玄牝梁肅導引圖序朱少陽得其術於黃帝外音又加以元禽化禽之說乃志其善者演而圖之附志有引

氣圖道引圖抱朴子云黃帝論導養而質玄素二女著體診則受雷岐西山真氏曰養生之說出於老子谷神章其最要也莊子曰黃帝得之以登雲天

黃帝岐伯按摩十卷

唐六典按摩博士一人注崔寔正論云熊經鳥伸

延年之術故華佗有六禽之戲魏文有五搥之鍛

僊經云戶樞不朽流水不腐謂欲使骨節調利血

脉宣通韓詩外傳扁鵲砥周禮跣案劉向云扁鵲

使子術案摩

黃帝雜子芝菌十八卷

黃氏曰神農經五芝之食輕身延年不老先秦之世未有稱述芝草者漢武宣世始以為瑞黃帝內傳王母授神芝圖十二卷水經注黃帝登具次之山受神芝圖於黃蓋童子

泰一雜子黃治三十一卷

郊祀志谷永曰明於天地之性不可惑以神恠知萬物之情不可罔以非類諸替仁義之正道不遵五經之法言而盛稱奇怪鬼神廣崇祭祀之方求報無福之祠及言世有僊人服食不終之藥逢與

輕舉登遐倒景覽觀懸圖滄海蓬萊耕耨之德

種暮獲與山石無極黃治變化堅木淳醜化色

倉之術者皆姦人惑眾挾左道懷詐偽以欺罔主

聽其言洋洋滿耳若將可遇求之盪然如係風捕

景終不可得是以明王距而不聽聖人絕而不語

劉向傳淮南有枕中唯實茹曰臣為郎時見萬鬼神為金之術龜策傳褚先生曰臣為郎時見萬鬼百朱方唐志淮南王萬畢術一卷隋志金丹王液長生之事歷代藥費不可勝記竟無效焉

神僊十家

司馬公曰老莊之書大指欲同死生輕去就而為神仙者服餌修鍊以求輕舉鍊草石為金銀其為

術正相戾是以劉歆七畧叙道家為諸子神仙為
方技其後復有符水禁呪之術至寇謙之遂合而
為一至今循之其說甚矣蘇氏曰黃帝老子之道
本也方士之言末也羅氏曰秦猶以博士領其方
而號其人為列仙之儒明猶有所本非若後世夸
者之傳也歐陽氏曰自古有道無仙後世之人知
有道而不得其道不知無仙而妄學仙葛洪云秦
阮倉所記有數百人劉向所纂又七十一人

列仙傳劉向所造而實云七

索隱行錄

中庸素隱朱文公按漢書作索

論病以汲國原診以知政

晉語趙文子曰醫及國家乎醫蘇對曰上醫醫國
其次疾固醫官也

六凡書六畧三十八種

景迂是氏曰劉歆告揚雄云三代之書蘊藏於家
直不計耳顧弗多耶今有一周易而無連山歸藏
有一春秋而無千二百國寶書及不脩春秋有鄒
禮二士禮七大夫禮二諸侯禮四諸公禮一而天
子之禮無一傳者不知其傳孰多於其亡耶隋志

光武爲好文雅明章尤重經術鴻生鉅儒負裘自遠而至石室蘭臺彌以充積又於東觀及仁壽閣集新書校書郎班固傳毅等典掌焉並依七畧爲書部固編爲藝文志晁氏公武曰劉歆始著七畧總錄群書至荀勗更著新簿分爲四部蓋合兵書術數方技於諸子自春秋類春秋史記別爲一六藝諸子詩賦皆仍歆舊其後歷代所編書目如王儉阮孝緒之徒咸從歆例謝靈運任昉之徒皆從勗舊唐分經史子集藏於四庫是亦祖述勗而加詳歐陽公謂始於開元矣

決疑曰自六經以至陰陽之家其數或多或少春秋九百四十八篇而其數之不及者七十有一道家九百十三篇而其數之衍者四十有四自此以後著龜一家而卷之溢於目者八十醫經一家而卷之不登其德者四十有一或者其傳於後世有以私意增損者邪夾滌鄭氏曰蕭何入咸陽收秦律令圖書則秦亦未嘗無書籍也其所焚者一時間事耳秦人之典蕭何能收於草昧之初蕭何之典歆何不能紀於承

平之後是所見有異也范氏曰漢時以竹
簡寫書在天下者至少非祕府不能備非
如後世以紙傳寫派布天下所在皆有也

漢藝文志攷誤卷十終

